


2

BREVE
SANCTISSIMI D. DOMINI NOSTRI
ALEXANDRI VII
SUMMI PONTIFICIS
A D
ILLVSTRISSIMVM ET REVERENDISSIMVM
EPISCOPVM ANDEGAVENSEM
VNA CVM DECRETO EIVSDEM
PONTIFICIS.



ANDEGAVI,
Apud PETRVM AVRIL, Typographum Regis,
& Illustrissimi Domini Episcopi Andegauensis.

M. DC. LIX.

THE UNIVERSITY OF CHICAGO

LIBRARY

CHICAGO, ILL.

1911

1911

1911

1911

1911


1911

1911

1911



VENERABILI FRATRI
EPISCOPO
ANDEGAVENSI
ALEXANDER
 PP. VII.



VENERABILIS Frater Sa-
 lutem, & Apostolicam bene-
 dictionem. Literis Nostreis ad
 Fraternitatem Tuam die 29.
 Decembris datis scripsimus
 controuersias inter Te, ac istius
 Diœcesis Regulares vertentes
 Nos Viris in sacrâ Theologiâ,
 & Canonum peritiâ planè versatis discutiendas com-
 misisse; ijsque auditis fore vt illas omninò decidere-
 A ij

mus. Deinde post accuratum examen vnanimi eorum Censurâ Nobis relatâ, & Venerabilium Fratrum Nostrorum S. R. E. Cardinalium Generalium Inquisitorum votis etiam intellectis, propositiones in Decreto, quod accipies ex Venerabili Fratre Archiepiscopo Cæsareæ Nuntio Nostro, contentas, prout in eo qualificatæ leguntur auctoritate Apostolicâ declarauimus, & declaratas decreuimus, ac tales ab omnibus haberi præcepimus. Quibus peractis speramus concordiam istic, & quietem pristinam communium omnium satisfactione redditum iri; quod sanè ad omnes Diuini cultus, & animarum salutis rationes vel maximè pertinet; adeò vt non dubitemus quin pro singulari vigilantia, & prudentia Tuâ sedulam operam in eâ re nauaturus sis; quo profectò rem etiam summo operè Nobis gratam efficies, qui zelum, & Virtutes Tuas magnificimus, & præcipuo Paternæ voluntatis affectu complectimur, eius argumenta, quoties res tulerit, nunquam non exhibituri. Interim Apostolicam benedictionem Fraternitati Tuæ peramanter impertimur. DATVM Romæ apud Sanctam Mariam Maiorem sub Annulo Piscatoris die 26. Februarij 1659. : Pontificatus nostri anno quarto. Signatum F. Florentinus.



DECRETVM.

FERIA V. DIE 30 IANVARII 1659.

IN Congregatione Generali Sanctæ Romanæ, & Vniuersalis Inquisitionis habitâ in Palatio Apostolico Montis Quirinalis coram Sanctissimo D. N. D. Alexandro diuinâ prouidentiâ Papâ VII. ac Eminentissimis, & Reuerendissimis DD. Sanctæ Romanæ Ecclesiæ Cardinalibus in Vniuersâ Republicâ Christianâ contra Hæreticam prauitatem Generalibus Inquisitoribus à sanctâ Sede Apostolicâ specialiter Deputatis.

Cum nuper à Regularibus Mendicantibus Diœcesis Andegauensis iudicio Sedis Apostolicæ : (ad quam dumtaxat controuersias fidei, & morum Vniuersalis Ecclesiæ pertinet definire) infrâ insertæ propositiones fuerint oblatae, de mandato Sanctissimi D. N. D. Alexandri diuinâ prouidentiâ Papæ VII. plurium Theologorum, & Canonistarum à Sanctitate Suâ ad id specialiter deputatorum examini sunt commissæ, quo peracto, & relatâ Sanctitati Sux vnanimi eorundem Theologorum, atque Canonistarum Censurâ, Idem Sanctissimus auditis votis Eminentissimorum & Reuerendissimorum DD. Cardinalium Generalium Inquisitorum, easdem propositiones

A iij

prout infra qualificatas auctoritate Apostolicâ declarauit, & declaratas decreuit, & tales ab omnibus haberi præcepit.

I.

Concilium Tridentinum non obligat Regulares in Galliâ ad obtinendas approbationes ab Episcopis, vt sæcularium Confessiones audire possint, neque ex illius Concilij auctoritate priuilegia Regularium restringi possunt, cum in Galliâ receptum non sit, præterquam in decisionibus fidei; neque etiam Bulla Pij IV. pro confirmatione illius Concilij promulgata.

Est falsa, temeraria, scandalosa, in hæresim, & schisma inducens, sacro Concilio Tridentino, & Sedi Apostolica injuriosa.

II.

Vbi Concilium Tridentinum est receptum non possunt Episcopi restringere, vel limitare approbationes, quas Regularibus concedunt ad Confessiones audiendas, neque illas vllâ ex causâ reuocare; Quinimò Ordinum Mendicantium Religiosi ad eas approbationes obtinendas non tenentur; etsi ab Episcopis Religiosi non probentur, rejectio illa tantumdem valet, ac si approbatio concessa fuisset.

Complexè accepta, est falsa, temeraria, scandalosa, & erronea.

III.

Regulares Ordinum Mendicantium semel approbati ab vno Episcopo ad confessiones audiendas in

fuâ Diœcesi, habentur pro approbatis in alijs Diœcesibus, nec nouâ Episcoporum indigent approbatione : Regulares habent potestatem absoluedi à peccatis Episcopo referuatis, etiam si ab Episcopo auctoritas ipsa ipsis indulta non fuerit.

Quoad primam partem est falsa, & saluti animarum perniciosa. Quoad secundam partem est falsa, auctoritati Episcoporum, & Sedis Apostolicæ injuriosa.

I V.

Nullus in foro conscientiæ Parochiæ suæ interesse tenetur, nec ad annuam confessionem, nec ad Missas Parochiales, nec ad audiendum Verbum Dei, diuinam Legem, Fidei rudimenta, morumque doctrinam, quæ ibi in Catechesibus annuntiantur, & docentur.

Quoad primam & secundam partem simpliciter accepta est erronea, & temeraria, suppositis verò Priuilegijs Apostolicis nullam meretur censuram. Et quoad tertiam partem de auditione Verbi Dei seruetur dispositio sacri Concilij Tridentini.

V.

Talem legem in hac materiâ nec Episcopi, nec Concilia Prouinciarum, vel Nationum sancire, nec delinquentes aliquibus pœnis, aut Ecclesiasticis censuris mulctare possunt.

Suppositis itidem priuilegijs Apostolicis nullam meretur censuram; verum ista non est prædicanda, nec publicè docenda, prout nec præcedens quarta.

Regulares Mendicantes petere possunt licitè à Iudicibus Sæcularibus, vt iniungant Episcopis, quatenus ipsis mandata concedant ad prædicandum in Aduentu & Quadragesimâ: Quod si renuant facere Episcopi, decretum Iudicum Sæcularium tantumdem valet, ac si permissio dictis Religiosis concessa fuisset.

Est falsa, erronea, & in Hæresim & Schisma inducens.

Hanc ergo qualificationem, & declarationem à cunctis tenendam, sequendam, & in praxi obseruandam esse Sanctitas Sua declarauit, & mandauit sub pœnis contra schismaticos, temerarios, seditiosos, ac de hæresi suspectos impositis: contrarijs quibuscumque non obstantibus.

Ioannes Lupus Sanctæ Romanæ &

Vniuersalis Inquisitionis Notarius.

Loco † Sigilli.

Etego infra scriptus Illustrissimi & Reuerendissimi Domini Archiepiscopi Cæsariensis in Gallijs Nuntij Apostolici Secretarius, & Protonotarius Apostolicus de mandato eiusdem Illustrissimi D. Nuntij præsentem copiam ex suo proprio originali penes ipsum Illustrissimum D. Nuntium existente manu propriâ transcripsi, cum eodem collationaui, & in omnibus cum illo concordare fidem facio, & attestor. In quorum &c. DATVM Parisijs hac die 29. Martij 1659.

Ita est Bartholomæus de Comitibus Protonotarius Apostolicus.

Sigillatum.



FERIA QVINTA

Die 24. Septemb. 1665.

I N

CONGREGATIONE GENERALI

S. ROMANÆ ET UNIVERSALIS INQUISITIONIS

**Habitâ in Palatio Apostolico Montis
Quirinalis.**

C O R A M

SS. D. D. N.

ALEXANDRO

DIVIN. PROVID. PAPA VII.

A C

Eminentissimis ac Reverendissimis

DOMINIS

S. R. E. CARDINALIBVS,

**Inquisitoribus à S. Sede Apostolica
specialiter deputatis.**

**Juxta Exemplar impressum ROMÆ, in Typographia
Rever. Camera Apostolicæ 1665.**

HERIA QUITA

ALEXANDRO

S. R. E. CARDINALIBVS

Reverendissimi Patris in Christo
Iuxta I. et II. in I. et II. in I. et II.

Smus D. N. audivit non sine magno animi sui mœro-
re, complures opiniones Christianæ disciplinæ relaxa-
tivas, & animarum perniciem inferentes, partim an-
tiquatas iterum sulcitari, partim noviter prodire: & sum-
mam illam luxuriantium ingeniorum licentiam indices
magis excrefcere, per quam in rebus ad conscientiam per-
tinentibus modus opinandi irrepsit alienus omnino ab
Euangelica simplicitate, Sanctorumque Patrum doctrina,
& quem si pro recta regula fideles in praxi sequerentur, in-
gens irreptura esset vitæ Christianæ corruptela. Quare ne
ullo unquam tempore viam salutis, quam suprema veritas
Deus, cujus verba in æternum permanent, ætæ esse de-
finivit, in animarum perniciem dilatarî, seu verius per-
verti contingeret; idem Sanctissimus D. N. ut oves sibi
creditas ab ejulmodi spatiofa, lataque, per quam itur ad
perditionem, via, pro Pastoralî sollicitudine in rectam se-
mitam evocaret, earundem opinionum examen pluribus in
Sacra Theologia Magistris, & deinde Eminentissimis & Re-
verendissimis DD. Cardinalibus contra Hæreticam pravi-
tatem Generalibus Inquisitoribus serîo commisit: qui tan-
tum negotium strenuè aggressi, eique sedulo incumbentes,
& mature discussis ulque ad hanc diem infrascriptis pro-
positionibus, super unaquaque ipsarum sua suffragia San-
ctitati Suae singillatim expoluerunt.

Homo nullo unquam vitæ suæ tempore tenetur elicere
actum fidei, spei, & charitatis ex vi præceptorum divino-
rum ad eas virtutes pertinentium.

Vir Equestris ad duellum provocatus potest illud accipere, ne timiditatis notam apud alios incurrat.

Sententia asserens, Bullam Cœnæ solum prohibere absolutionem hæresis, & aliorum criminum, quando publica sunt, & id non derogare Facultati Tridentini, in qua de occultis criminibus sermo est, anno 1629. 18. Julii in Consistorio Sacræ Congregationis Eminentissimorum Cardinalium vilâ, & tolerata est.

Prælati Regulares possunt in foro conscientiæ absolvere quoscunque sæculares ab hæresi occulta, & ab excommunicatione propter eam incuria.

Quamvis evidenter tibi constet Petrum esse hæreticum, non teneris denunciare si probare non possis.

Confessarius, qui in Sacramentali Confessione tribuit pœnitenti chartam postea legendam in qua ad veniam incitat, non cenetur sollicitasse in confessione, ac proinde non est denunciandus.

Modus evadendi obligationem denunciandæ sollicitationis est, si sollicitatus confiteatur cum sollicitante, hic potest ipsum absolvere absque onere denunciandi.

Duplicatum stipendium potest Sacerdos pro eadem Missa licitè accipere, applicando petenti partem etiam specialissimam fructus ipsimet celebranti correspondentem, idque post decretum Urbani VIII.

Post Decretum Urbani potest Sacerdos, cui Missæ celebrandæ traduntur, per alium satisfacere collato illi minori stipendio, aliâ parte stipendii sibi retentâ.

Non

Non est contra iustitiam pro pluribus sacrificiis stipendium accipere & sacrificium unum offerre; neque etiam est contra fidelitatem, etiamsi promittam promissione etiam juramento firmatâ, danti stipendium, quod pro nullo alio offeram.

Peccata in Confessione omissa, seu oblita ob instans periculum vitæ, aut ob aliam causam, non tenemur in sequenti Confessione exprimere.

Mendicantes possunt absolvere à casibus Episcopis reservatis, non obtenta ad id Episcoporum facultate.

Satisfacit præcepto annuæ confessionis, qui confitetur Regulari Episcopo præsentato, sed ab eo injustè reprobato.

Qui facit confessionem voluntariè nullam, satisfacit præcepto Ecclesiæ.

Pœnitens propria autoritate substituere sibi alium potest, qui loco ipsius pœnitentiam adimpleat.

Qui beneficium curatum habent possunt sibi eligere in confessarium simplicem Sacerdotem non approbatum ab Ordinario.

Est licitum Religioso vel Clerico calumniatorem gravia crimina de se, vel de sua Religione spargere minantem, occidere, quando alius modus defendendi non suppetit; uti suppetere non videtur, si calumniator sit paratus vel ipsi religioso, vel ejus religioni, publicè & coram gravissimis viris prædicta impingere, nisi occidatur.

Licet interficere falsum accusatorem; falsos testes, ac
* 3 etiam

etiam judicem à quo iniqua certò imminet sententia, si alia via non potest innocens damnum evitare.

Non peccat maritus occidens propriâ authoritate uxorem in adulterio deprehensam.

Restitutio à Pio V. imposita beneficiatis non recitanti-
bus, non debetur in conscientia ante sententiam declara-
toriam judicis, eo quod sit pœna.

Habens Capellaniam collativam, aut quodvis aliud be-
neficium Ecclesiasticum, si studio litterarum vacet, satis-
facit suæ obligationi, si officium per alium recitet.

Non est contra iustitiam beneficia Ecclesiastica non
conferre gratis, quia collator conferens illa beneficia Ec-
clesiastica pecuniâ interveniente, non exigit illam pro col-
latione beneficii, sed veluti pro emolumento temporali,
quod tibi conferre non tenebatur.

Frangens jejunium Ecclesiæ, ad quod tenetur, non pec-
cat mortaliter, nisi ex contemptu, vel inobedientia hoc fa-
ciat, puta quia non vult se subijcere præcepto.

Mollities, Sodomia, & bestialitas sunt peccata ejusdem
speciei infimæ, ideoque sufficit dicere in confessione, se
procurasse pollutionem.

Qui habuit copulam cum soluta, satisfacit confessio-
nis præcepto, dicens commisi cum solutâ grave peccatum
contra castitatem non explicando copulam.

Quando litigantes habent pro se opiniones æquè pro-
babiles, potest judex pecuniam accipere pro ferenda sen-
tentia in favorem unius præ alio.

Si

Si liber sit alicujus junioris & moderni, debet opinio
censeri probabilis, dum non constet rejectam esse à Sede
Apostolica tamquam improbabilem.

Populus non peccat etiamsi absque ulla causa non reci-
piat legem à Principe promulgatam.

Quibus peractis, dum similium propositionum exa-
mini cura & studium impenditur, interea idem Sanctissi-
mus re maturè considerata statuit, & decrevit, prædictas
propositiones, & unamquamque ipsarum, ut minimum
tamquam scandalosas esse damnandas, & prohibendas,
sicut eas damnat ac prohibet: ita ut quicumque illas, aut
conjunctim, aut divisim docuerit, defenderit, ediderit, aut
de eis etiam disputativè, publicè aut privatim tractaverit,
nisi forsan impugnando, ipso facto incedat in excommu-
nicationem, à qua non possit (præterquam in articulo
mortis) ab alio, quacumque etiam dignitate fulgente, nisi à
pro tempore existente Romano Pontifice, absolvi.

Insuper districtè in virtute sanctæ obedientiæ, & sub
interminatione divini judicii prohibet omnibus Christi fi-
delibus, cujuscumque conditionis, dignitatis, ac status, etiam
speciali, & specialissimâ notâ dignis, ne prædictas opinio-
nes, aut aliquam ipsarum ad praxim deducant.

JOANNES LVPVS Sanctæ Romanæ & uni-
versalis inquisitionis Not. &c.

Loco ✠ sigilli.

Anno.

Anno à Nativitate D. N. JESU CHRISTI 1665.
indictione tertia, die verò 2. mensis Octobris, Pontifi-
catus verò Sanctissimi in Christo Patris D. N. D. ALEX-
ANDRI Divina Providentia Papæ VII. anno undecimo,
supradictum decretum affixum, & publicatum fuit ad
valvas Basilicæ Principis Apostolorum, Cancellariæ Apo-
stolicæ, ac in acie campi Floræ, ac in aliis locis solitis, &
consuetis urbis, per me Carolum Melanum ejusdem San-
ctissimi D. N. Papæ, & Sanctissimæ Inquisitionis Cur-
sorem.

*Juxta Exemplar impressum ROMÆ, in Typographia
Rever. Camera Apostolica 1665.*



146

